



DAATAAN DHUUNFAA KOO MAALIIF GARA EURODAC TTI DABARFAMA?

Gosa B

**LAMMIWWAN BIYYA SADAFFAA DAANGAA
ALAA SEERAAN ALA QAXXAAMURUU WALIIN
WALQABATEE QABAMAN**



BARRUU KANA MAALIFAN FUDHADHA?

Eeyyama malee daangaa alaa biyya EU+ osoo qaxxaamurtanii waan argamtaniif. Barruun kun daataa aangawootaan kuufamuu fi yeroo hammamiif akka kuufamuu odeeffannoo dabalataa kenna.

ASHAARAA QUBAA FI SUURAA KOO MAALIIFAN KENNUU QABA?

Angawoonni biyya kana keessa jiran ashaaraa qubaa fi suuraa keessan ni fudhatu. Daataan kun odeeffannoo eenyummaa keessanii fi odeeffannoowwan barbaachisoo biroo waliin gara kuusdeetaa Eurodac tti ni darba.

Eurodac namoota gosoota murtaa'oo lammiilee biyya EU+ hin taane ashaaraa qubaa fi suuraa addaa isaanii waliin walqabsiisa.

Kuuseetaan kun biyyoota EU+ 31 kanneen odeeffannoo keessan argachuuf daataa keessan adeemsisuu danda'aniin fayyadamama. Biyyoonni EU+ dhuma barruu kanaa irratti tarreeffamaniiru.

Amma Latvia kan biyya EU+ taate keessa jirtu.

Biyyoonni EU+ kan ta'an:



Biyyoota Miseensota Gamtaa Awurooppaa (EU) 27: Awustiriyaa, Beeljiyeem, Bulgaariyaa, Kirooshiyaa, Qoophiroos, Cheek, Deenmaark, Istoonyyaa, Fiinlaand, Faransaay, Jarmanii, Giriik, Hangaarii, Xaaliyaan, Laativiyaa, Luutaaniyaa, Luugeembarg, Maaltaa, Neezerlaand, Poolaand, Poorchugaal, Rippaabilika Aayerlaandii, Roomaaniyaa, Isloovaakiyaa, Isloovaaniyaa, Ispeen, Siwiidin fi



biyyoota biroo 4: Ayislaand, Lechtenistiyaan, Noorweey, Siwiizerlaand

▶ ODEEFFANNOO AKKAMIITU EURODAC KEESSATTI KUUFAMA?



Odeeffannoon armaan gadii yeroo hunda ni kuufama:

- ashaaraa quba keessanii
- suuraa fuula keessanii
- maqaa amma ykn kanaan dura itti fayyadamtan hunda
- guyyaa dhaloota keessanii
- bakka dhaloota keessanii

- sabummaa ykn lammummaa keessan
- saala keessan
- waraabii sanadoota eenyummaa ykn imalaa fayyadamtan, bakka jiru, odeeffannoo waa'ee dhugummaa isaanii dabalatee
- ID fayyadamaa qondaala ashaaraa qubaa fi suuraa keessan fudhatee fi guyyoota daataa keessan itti fudhatamee fi dabarfame
- bakkaa fi guyyaa itti eeyyam malee daangaa osoo ceetanii itti argamtan.

Odeeffannoon armaan gadii bakka barbaachisaa ta'ettis Eurodac keessatti ni kuufama:

- odeeffannoo fedhii keessaniin gara biyya keessaniitti deebi'uuf dhihaate fudhachuu fi dhiisuu keessan ibsu
- odeeffannoo yeroo kamiyyuu gara biyya keessanitti deebitan yookaan murtoo mataa keessaniin yookaan yoo aangawoonni isin irraa kaasan
- yoo jijjiirraadhaaf filatamtan, biyyi EU+ itti jijjiiramtan.

Odeeffannoo dogoggoraa Eurodac keessatti kuufame argachuu fi fooyyessuu fi odeeffannoon keessan seeraan ala yoo qabame akka haqamu gaafachuuf mirga qabdu. Kana gochuuf too'ataa daataa qunnamuu dandeessu.

Odeeffannoon quunnamtii to'ataa daataa barruu mata duree **'Waa'ee Eurodac wanta beekuu qabdan'** jedhuun argamuu danda'a.

➤ DAATAA DHUUNFAA KOO EURODAC KEESSA YEROO HANGAMIIF KUUFAMA?



Odeeffannoon keessan waggaa 5f kuufamee booda ofumaan ni haqama.

Yeroon kun osoo hin xumuramiin biyya EU+ keessatti lammummaa yoo argattan, daataan keessan ni haqama. Yoo daataan keessan haqame, kun biyya lammummaa itti argattan keessatti haala keessan irratti dhiibbaa hin geessisu.

➤ ODEEFFANNOON BIRAA EURODAC KEESSATTI NI KUUFAMAA?

Yoo aangawoonni kanneen armaan gadii argan firiin sakatta'iinsa nageenyaa keessanii ni kuufama:

- meeshaa waraanaa yoo qabaattan
- jeequmsa yoo uumtan
- yakka shororkeessummaa keessatti yoo hirmaattan
- yakka cimaa biyya EU+ kan biraa keessatti hidhamuu dandeessisu yoo raawwattanii jiraattan.

Yeroo akkasii, nageenya keessoo irratti balaa geessisuu akka dandeessan ni ilaalama. Kunis sababa ykn sababoota hojiirra oolan armaan olitti bal'inaan ibsaman waliin Eurodac keessatti ni kuufama.

Biyyoonni EU+ kana booda nageenya keessoo, irratti balaa hin ta'u jedhanii yoo yaadan odeeffannoon kun ni haqama.

Odeeffannoo dogoggoraa Eurodac keessatti kuufame argachuu fi fooyyessuu fi odeeffannoon keessan seeraan ala yoo qabame akka haqamu gaafachuuf mirga qabdu. Kana gochuuf too'ataa daataa qunnamuu dandeessu.

Odeeffannoon quunnamtii to'ataa daataa barruu mata duree **'Waa'ee Eurodac wanta beekuu qabdan'** jedhuun argamuu danda'a.

Yaadannoon kun odeeffannoo qofaaf kan qophaa'edha. Ofii isaatii mirga ykn dirqama hin uumu. EUAA nis ta'ee namni EUAA bakka bu'ee hojjetu kamiyyuu odeeffannoo yaadannoo kana keessatti argamutti fayyadamuu danda'uuf itti gaafatamummaa hin qabu. © Ejensii Koolugaltummaa Gamtaa Awurooppaa, 2025